



Naalakkersuisut Siulittaasuat

[govsec@nanoq.gl](mailto:govsec@nanoq.gl)

Ulloq: 17-12-2025

J.nr.:01.37.01.03-00204

### **UKA2025/63-mut apeqqutit – Paasissutissanik qarasaasiatigut suliarinnittarfinnik angisuunik Kalaallit Nunaannut inissiinissaq**

Ukiakkut ataatsimiinnerup nalaani Sanaartornermut ataatsimiititaliamit suliarineqarpoq *Paasissutissanik qarasaasiatigut suliarinnittarfinnik angisuunik Kalaallit Nunaannut inissiinissaq nunani tamalaani ingerlatseqatigiiffinnut pilerinartunngortinniarlugu naalakkersuinikkut suliniutinik sunik aallartitsisoqarsinnaanera pillugu Naalakkersuisut nassuiaasioqqullugit peqquneqarnissaannik Inatsisartut aalajangiiffigisassaattut siunnersuut. Nassuiaat 1. januar 2027-utinnagu Inatsisartunut agguanneqassaaq.*

Tamatununga atatillugu Naalakkersuisut Siulittaasuata akissuteqaataani oqaaseqaatip tulluuttup itinerusumik nassuiaatigineqarnissaa ataatsimiititaliamit qinnutigineqarpoq: ” *Unaminartunngorsinnaasutut taaneqarsinnaasutut assersuutaasinnaavoq kabelini imaatigoortuni paasiuminassutsimut sakkortusaavinnik amigaateqarneq. Taakkua saniatigut ilisimavarput akornutissanik peqarsinnaanera inatsisiliornermi amigaatinut ajornartorsiutaasinnaasunulluunniit tunngasunik, akileraartarnermut tunngasuni siunertamut tulluanngitsunik peqarnera kiisalu ilinniartitaanermi neqeroorutinik attuumassutilinnik pisariaqartitsineq allanilluunniit.*”

Naalakkersuisut taamaammat qinnuigineqassapput tulluuttup itisileqqullugit:


1. Maannakkut kabelit imaatigoortut paasiuminassutsimut sakkortusaaviit paasissutissanik qarasaasiatigut suliarinnittarfinnik anginernik Kalaallit Nunaanni pilersitsinissamut naammattumik pilersuisinnaappat?
2. Inatsisitigut aporfissat aalajangersimasut, tassungalu ilanngullugu aalajangersakkat amigaatigineqartut naapertuutinningsulluunniit sorliit paasissutissanik qarasaasiatigut suliarinnittarfinnik angisuunik pilersitsinissamut ingerlatsinissamullu akimmisaartitsinersut Naalakkersuisunit erseqqinnerusumik nassuiaatigineqarsinnaava?
3. Akileraartarnermi periutsimi immikkoortut sorliit paasissutissanik qarasaasiatigut suliarinnittarfiit nunanit tamalaaneersut kajuminnerulersinnissaannut naapertuutinningsutut nalilerneqarnersut kiisalu pissutsit suut ernumanermik pilersitsinersut Naalakkersuisunit erseqqissaatigineqarsinnaava?

Apeqqutininut siuliani allassimasunut allakkatigut akissutit (kalaallisut danskisullu) sapinngisamik piaarnerpaamik tiguneqarnissaat ataatsimiititaliamit qinnutigineqarpoq. Akissuteqaat

qarasaasiakkut ataatsimiititaliap allattaanut [ingol@ina.alla.gl](mailto:ingol@ina.alla.gl)-imut aammalu Inatsisartunut [inatsisartut@inatsisartut.gl](mailto:inatsisartut@inatsisartut.gl) nassiuteqquneqarput.

Apeqqutit siuliani allassimasut – nipangiussisussaaneq eqqarsaatigalugu – oqaasinngorlugit akineqartariaqartut Naalakkersuisut naliliippata, tamanna sapinggisamik piaartumik nalunaarutigeqquneqarpoq, tassungalu ilanngullugu ilisimatitsiffiusumik ataatsimiinnerujunnartumut ulluliussassatut siunnersuuteqarluni.

Qujareerlunga,



Inussiarnersumik inuulluaqqutillunga  
Justus Hansen  
Ataatsimiititaliap siulittaasua